



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### დვალი მერაბ ლეონიდეს ძე

დვალი მერაბ ლეონიდეს ძე (დ. 1. I. 1950, თბილისი), ოფთალმოლოგი. მედ. მეცნ. დოქტორი (1989), პროფესორი (1997). 1972 დაამთავრა თბილისის სახელმწ. სამედ. ინ-ტი. 1973-75 - მოსკოვის პირველი სამედ. ინ-ტის თვალის სნეულებათა კათედრის ორდინატორი; 1978-89 - მოსკოვის თვალის სნეულებათა საკავშ. სამეცნ.-კვლ. ინ-ტის მიკროქირურგიისა და რეკონსტრუქციული ქირურგ. განყ-ბის უმცროსი, შემდეგ - უფროსი მეცნ. მუშაკი. 1973-89 მოღვაწეობის პერიოდში 10 საავტორო მონუმობის და 12 რაციონალიზატორული წინადადების ავტორია. დ-მა 1974, ქართვ. ექიმთა შორის პირველმა გააკეთა კატარაქტის ფაკოემულსიფიკაცია. 1981 დ-მა სსრკ-ში პირველმა დანერგა, რაც დღემდე წარმატებით გამოიყენება, სხვადასხვა მოდელის ე. წ. „ფაკიური“ ლინზები მაღალი ხარისხის რეფრაქციის მანკების კორექციისთვის. 1985 მიენიჭა „მოსკოვის საუკეთესო რაციონალიზატორის“ წოდება. 1989-97 ხელმძღვანელობდა თბილისის ექიმთა დახელოვნების ინ-ტის თვალის მიკროქირურგიის ლაბორატორიას. 1992-93 დ. მიიწვიეს ჩინეთის სახ. რესპუბლიკაში, სადაც წარმატებული საქმიანობისთვის დაჯილდოებულია „ხალხთა მეგობრობის საერთაშორისო ორდენით“. 1999 დააარსა ამიერკავკასიაში პირველი ექსიმერული ლაზერის ცენტრი. მან მსოფლიოში პირველმა გამოიყენა ექსიმერული ლაზერი ბავშვებში, ერთდროულად - რეფრაქციის კორექციისა, ამბლიოპიისა („ზარმაცი თვალი“) და სიელმის მკურნალობისთვის. 1995-იდან არის საქართვ. ოფთალმოლოგთა ასოციაციის დამფუძნებელი და პირველი თავმჯდომარე, 1999-იდან - შპს თვალის კლინიკა „ახალი მგერის“ დამფუძნებელი და გენ. დირექტორი. საქართველოში თვალის მიკროქირურგიის დანერგვა-განვითარებისთვის 2002 მიენიჭა საქართვ. სახელმწ. პრემია მეცნიერებისა და ტექნიკის დარგში. 1997-2005 თსსუ-ის თვალის სნეულებათა კათედრის პროფესორია, 2005-იდან - თსსუ-ის თვალის სნეულებათა დეპარტამენტის სრული პროფესორი. დ. არის მრავალი სამეცნ. შრომის ავტორი, გამოცემული აქვს სახელმძღვანელო „ოფთალმოლოგიის საფუძვლები“ (თბ., 2010).

